

სსიპ „სამედიცინო საქმიანობის სახელმწიფო რეგულირების სააგენტო“



სამედიცინო პრაქტიკასთან დაკავშირებული საექსპერტო/სარეცენზიო მომსახურების
(თერაპიული პროფილი) სახელმწიფო შესყიდვის ელექტრონული ტენდერის
სატენდერო დოკუმენტაცია

(CPV 85121000)

შესყიდვა ხორციელდება სსიპ „სამედიცინო საქმიანობის სახელმწიფო რეგულირების
სააგენტოს“ 2013 წლის საბიუჯეტო ასიგნებების ფარგლებში

წინამდებარე სატენდერო დოკუმენტაცია შედგენილია „სახელმწიფო შესყიდვის შესახებ“ საქართველოს
კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით
დამტკიცებული „გამარტივებული შესყიდვის, გამარტივებული ელექტრონული ტენდერისა და
ელექტრონული ტენდერის ჩატარების წესის“ საფუძველზე.

2013 წ

ქ. თბილისი

1. ტექნიკური დოკუმენტაცია

1.1. შესყიდვის ობიექტის ტექნიკური დავალება:

სსიპ „სამედიცინო საქმიანობის სახელმწიფო რეგულირების სააგენტოს“ 2013 წლის საბიუჯეტო ასიგნებების ფარგლებში, სამედიცინო პრაქტიკასთან დაკავშირებული საექსპერტო/სარეცენზიო მომსახურების (თერაპიული პროფილი) შესყიდვა (CPV85121000).

- 1.1.1 მიმწოდებელმა უნდა უზრუნველყოს პაციენტისთვის გაწეული სამედიცინო მომსახურების (როგორც სტაციონარული, ასევე ამბულატორიული შემთხვევის) ექსპერტიზა/რეცენზირება შემდეგი სახის სამედიცინო პროფილში: პედიატრია, ნეონატოლოგია, შინაგანი სნეულებანი, ალერგოლოგია, ნეფროლოგია, ენდოკრინოლოგია, კარდიოლ. რევმატოლოგია, ნევროლოგია, დერმატო-ვენეროლოგია, ინფექციური სნეულებანი, ფტიზიატრია, რადიოლოგია, კრიტიკული მედიცინა, ტოქსიკოლოგია, ჰემატო-ტრანსფუზიოლოგია, ონკოლოგია, ლაბორატორიული მედიცინა, პათ. ანატომია, სასამართლო მედიცინა.
- 1.1.2 იმ შემთხვევაში, თუ ერთი სამედიცინო შემთხვევის ფარგლებში, წინამდებარე ტენდერით გათვალისწინებულ ძირითად პროფილთან ერთად, საჭიროა სარეცენზიო დასკვნის მომზადება სხვა პროფილით, მიმწოდებელი ვალდებულია, რეცენზირებისთვის მიმართოს შესაბამისი პროფილის მომსახურების შესყიდვის მიზნით განხორციელებული პროცედურის შედეგად შერჩეულ ორგანიზაციას, რის შესახებაც, დეტალურ ინფორმაციას „მიმწოდებელს“ აწვდის „შემსყიდველი“.
- 1.1.3 მიმწოდებელი ვალდებულია, საჭიროების შემთხვევაში, გაუწიოს წინამდებარე ტენდერით გათვალისწინებული მომსახურება სხვა სახის სამედიცინო პროფილში ანალოგიური მომსახურების შესყიდვის მიზნით განხორციელებული პროცედურის შედეგად შერჩეულ ორგანიზაციას, მხარეთა შორის ურთიერთშეთანხმებული პირობებით.
- 1.1.4 **გასაწევი მომსახურება მოიცავს:**
ა) პაციენტისთვის გაწეულ სამედიცინო დახმარებასთან დაკავშირებული სამედიცინო დოკუმენტაციის რეცენზირება;
ბ) საჭიროების შემთხვევაში, შემსყიდველის მიმართვის საფუძველზე, პაციენტის კონსულტირება;
გ) რეცენზენტთა დასწრება პროფესიული განვითარების საბჭოს სხდომებზე;
დ) სარეცენზიო დასკვნა შესრულებული უნდა იქნას კომისიური წესით (თითოეულ სპეციალობაზე არანაკლებ 2 წევრის შემადგენლობით, რომელთა შორის არანაკლებ ერთს უნდა გააჩნდეს სამეცნიერო ცენზი);
ე) მიმწოდებელმა უნდა უზრუნველყოს მომსახურების გაწევასთან დაკავშირებული მასალების წალევა და უკან დაბრუნება დადგენილი წესით, საკუთარი ძალებით და საშუალებებით;
ვ) სარეცენზიო დასკვნაში მითითებულ უნდა იქნას გამოყენებული ლიტერატურა და/ან გაიდლაინი.
ზ) წარმოდგენილი უნდა იქნას სარეცენზიო დასკვნის ელექტრონული ვერსია.
თ) სარეცენზიო დასკვნაში შეფასებები უნდა იყოს ცალსახა და პასუხობდეს დასმულ შეკითხვებს;
- 1.1.5 მომსახურების ერთეულის ფასი წარმოდგენილი უნდა იქნას სატენდერო დოკუმენტაციის დანართი N1-ით დადგენილი ფორმის დაცვით, შემდეგი მოთხოვნების გათვალისწინებით:
- ერთი ამბულატორიული პაციენტისთვის, ერთი სარეცენზიო შემთხვევის ფასი არ უნდა აღემატებოდეს 150 ლარს.
 - ერთი სტაციონარული პაციენტისთვის, ერთი სარეცენზიო შემთხვევის ფასი არ უნდა აღემატებოდეს 300 ლარს.
 - თუ პაციენტს გაეწია როგორც ამბულატორიული, ასევე სტაციონარული მომსახურება, ასეთი სარეცენზიო შემთხვევის ერთეულის ფასი ერთ პაციენტზე არ უნდა აღემატებოდეს 350 ლარს.
 - სააგენტოს წერილობითი მიმართვის შემთხვევაში, ერთი პაციენტისთვის გასაწევი კონსულტაციის ფასი არ უნდა აღემატებოდეს 50 ლარს.
 - სააგენტოს წერილობითი მიმართვის შემთხვევაში, ჯანმრთელობის პროგრამების ფარგლებში „სადაო შემთხვევების“ თაობაზე დასკვნების მომზადების ფასი არ უნდა აღემატებოდეს 30 ლარს.

1.1.6 მომსახურების გაწევისას მიმწოდებელმა უნდა უზრუნველყოს ინტერესთა კონფლიქტის აცილება;

1.1.7 თითოეულ მოთხოვნილ სპეციალობაზე, მომსახურების მაღალპროფესიონალურ დონეზე გასაწევად პრეტენდენტს უნდა გააჩნდეს შესაბამისი კვალიფიკაციისა და რაოდენობის პერსონალი, შემდეგი სავალდებულო მოთხოვნების გათვალისწინებით:

- თითოეულ რეცენზენტს უნდა გააჩნდეს კონკრეტულ სპეციალობაში მუშაობის არანაკლებ 5 წლიანი სტაჟი;
- რეცენზენტს უნდა გააჩნდეს სახელმწიფო სერტიფიკატი შესაბამისი სპეციალობაში;
- თითოეულ სპეციალობაზე, არანაკლებ ერთ რეცენზენტს სავალდებულოა გააჩნდეს შესაბამისი სამეცნიერო ცენზი.

1.2. ანგარიშსწორების ვადები და პირობები:

1.2.1. სატენდერო წინადადების საერთო და ერთეულის ფასი გამოსახული უნდა იყოს შესყიდვის ობიექტის მიწოდებასთან დაკავშირებული მიმწოდებლის ყველა ხარჯის (მ.შ. კანონმდებლობით გათვალისწინებული გადასახადები) გათვალისწინებით;

1.2.2. ფაქტურად გაწეული მომსახურების ღირებულების ანაზღაურება მოხდება უნაღდო ანგარიშსწორებით, მაგრამ, არაუმეტეს ხელშეკრულების ღირებულების ოდენობით, მომსახურების გაწევის ეტაპების შესაბამისად, მხარეებს შორის მიღება-ჩაბარების აქტის გაფორმებიდან არაუგვიანეს 20 (ოცი) კალენდარული დღის განმავლობაში;

1.2.3. მიღება-ჩაბარების აქტი მხარეთა შორის გაფორმდება ეტაპობრივად, მომსახურების გაწევის შემდეგ, შემსყიდველის მიერ გამოყოფილი პასუხისმგებელი პირ(ებ)ის მიერ წარმოდგენილი ინსპექტირების დასკვნის საფუძველზე.

1.2.4. სატენდერო წინადადების ღირებულება წარმოდგენილი უნდა იყოს ეროვნულ ვალუტაში – ლარში;

1.2.5. წინასწარი ანგარიშსწორება არ დაიშვება.

1.3. მიწოდების პირობები და ვადები:

1.3.1. მოცულობა: ხელშეკრულების გაფორმებიდან 2013 წლის 31 დეკემბრის ჩათვლით, საჭიროებისამებრ, შემსყიდველის ყველა მოთხოვნა.

1.3.2. ვადები: მომსახურების გაწევა განხორციელდება საჭიროებისამებრ, ხელშეკრულების გაფორმებიდან 2013 წლის 31 დეკემბრის ჩათვლით, შემსყიდველის მოთხოვნის შესაბამისად, მოთხოვნიდან 10 დღის ვადაში (იმ შემთხვევაში, თუ მომსახურების გაწევის ბოლო ვადა ემთხვევა არასამუშაო/უქმე დღეებს, ასეთ ვადად ჩაითვლება პირველი უახლოესი სამუშაო დღე).

1.4. პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია (ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე, უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული ქართულენოვანი თარგმანი):

1.4.1. პრეტენდენტის რეკვიზიტები (დასახელება, მისამართი, ტელეფონი/ფაქსი, საბანკო რეკვიზიტები, ხელმძღვანელი პირის სახელი, გვარი), ანგარიშსწორების პირობები, სატენდერო წინადადების მოქმედების ვადა სატენდერო დოკუმენტაციის **დანართი №2**-ის შესაბამისად, დოკუმენტაციაში მითითებული ფორმის დაცვით;

1.4.2. გასაწევი მომსახურების აღწერილობა, ტექნიკური დოკუმენტაციის 1.1. პუნქტის, 1.1.1.–1.1.4. ქვეპუნქტების მოთხოვნათა შესაბამისად;

1.4.3. “ფასების ცხრილი” სატენდერო დოკუმენტაციის დანართი №1-ის შესაბამისად, ტექნიკური დოკუმენტაციის 1.1. პუნქტის, 1.1.5 ქვეპუნქტის მოთხოვნათა გათვალისწინებით, დოკუმენტაციაში მითითებული ფორმის დაცვით;

1.4.4. ინფორმაცია პრეტენდენტის სათანადო რაოდენობისა და კვალიფიკაციის პერსონალის შესახებ დანართი N3-ის შესაბამისად, ტექნიკური დოკუმენტაციის 1.1. პუნქტის, 1.1.7 ქვეპუნქტის მოთხოვნათა გათვალისწინებით, დოკუმენტაციაში მითითებული ფორმის დაცვით.

1.5. დამატებითი ინფორმაცია

1.5.1 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს პრეტენდენტის შესაბამისად უფლებამოსილი პირის მიერ.

1.5.2 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. **საკონტაქტო პირი: ავთანდილ ტყეშელაშვილი, ტელეფონი: 2725401, მობ: 577250900.**

ფასების ცხრილი

შესყიდვის ობიექტის დასახელება	მომსახურების აღწერილობა	მომსახურების ერთეულის ფასი (ლარი)	გასაწევი მომსახურების მოცულობა და ვადები	სულ გასაწევი მომსახურების ღირებულება (არაუმეტეს, ლარი)
პაციენტისთვის გაწეული სამედიცინო მომსახურების (როგორც სტაციონარული, ასევე ამბულატორიული შემთხვევის) ექსპერტიზა/რეცენზირება შემდეგი სახის სამედიცინო პროფილში: პედიატრია, ნეონატოლოგია, შინაგანი სნეულებანი, ალერგოლოგია, ნეფროლოგია, ენდოკრინოლოგია, კარდიოლ., რევმატოლოგია, ნევროლოგია, დერმატო-ვენეროლოგია, ინფექციური სნეულებანი, ფტიზიატრია, რადიოლოგია, კრიტიკული მედიცინა, ტოქსიკოლოგია, ჰემატო-ტრანსფუზიოლოგია, ონკოლოგია, ლაბორატორიული მედიცინა, პათ. ანატომია, სასამართლო მედიცინა.	ერთი სარეცენზიო შემთხვევა ერთი ამბულატორიული პაციენტისთვის		მოცულობა: ხელშეკრულების გაფორმებიდან 2013 წლის 31 დეკემბრის ჩათვლით, საჭიროებისამებრ, შემსყიდველის ყველა მოთხოვნა. ვადები: ხელშეკრულების გაფორმებიდან 2013 წლის 31 დეკემბრის ჩათვლით, შემსყიდველის მოთხოვნის შესაბამისად, მოთხოვნიდან 10 დღის ვადაში (იმ შემთხვევაში, თუ მომსახურების გაწევის ბოლო ვადა ემთხვევა არასამუშაო/უქმე დღეებს, ასეთ ვადად ჩაითვლება პირველი უახლოესი სამუშაო დღე)	
	ერთი სარეცენზიო შემთხვევა ერთი სტაციონარული პაციენტისთვის			
	ერთი სარეცენზიო შემთხვევა ერთ პაციენტზე, რომელსაც გაეწია როგორც ამბულატორიული, ასევე სტაციონარული მომსახურება			
	სააგენტოს წერილობითი მიმართვის შემთხვევაში, ერთი პაციენტისთვის კონსულტაციის გაწევა			
	სააგენტოს წერილობითი მიმართვის შემთხვევაში, ჯანმრთელობის პროგრამების ფარგლებში „სადაო“ შემთხვევების თაობაზე დასკვნების მომზადება			

სავალდებულო მოთხოვნა:

- ერთი ამბულატორიული პაციენტისთვის, ერთი სარეცენზიო შემთხვევის ფასი არ უნდა აღემატებოდეს 150 ლარს.
- ერთი სტაციონარული პაციენტისთვის, ერთი სარეცენზიო შემთხვევის ფასი არ უნდა აღემატებოდეს 300 ლარს.
- თუ პაციენტს გაეწია როგორც ამბულატორიული, ასევე სტაციონარული მომსახურება, ასეთი სარეცენზიო შემთხვევის ერთეულის ფასი ერთ პაციენტზე არ უნდა აღემატებოდეს 350 ლარს.
- სააგენტოს წერილობითი მიმართვის შემთხვევაში, ერთი პაციენტისთვის გასაწევი კონსულტაციის ფასი არ უნდა აღემატებოდეს 50 ლარს.

- სააგენტოს წერილობითი მიმართვის შემთხვევაში, ჯანმრთელობის პროგრამების ფარგლებში „სადაო შემთხვევების“ თაობაზე დასკვნების მომზადების ფასი არ უნდა აღემატებოდეს 30 ლარს.

ინფორმაცია ხელმოწერილი და ბეჭედდასმული უნდა იყოს უფლებამოსილი პირის მიერ

1. რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის/უფლებამოსილი პირის სახელი და გვარი: _____

პრეტენდენტის იურიდიული ან/და ფაქტიური მისამართი: _____

პრეტენდენტის ტელეფონის ნომერი: _____

საიდენტიფიკაციო კოდი: _____

ბანკი და ბანკის კოდი: _____

ანგარიშსწორების ანგარიში: _____

2. ანგარიშსწორების პირობები: ანგარიშსწორება მოხდება უნაღდო ანგარიშსწორებით, _____

_____ (აქ პრეტენდენტის მიერ მიეთითება ანგარიშსწორების დეტალური პირობები, სატენდერო დოკუმენტაციის 1.2 პუნქტით განსაზღვრული მოთხოვნების გათვალისწინებით)

3. პრეტენდენტის სატენდერო წინადადება ძალაშია სახელმწიფო შესყიდვების ერთიან ელექტრონულ სისტემაში წინადადებების მიღების დაწყების თარიღიდან „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

4. ამ დოკუმენტზე ხელისმოწერით პრეტენდენტი ეთანხმება სატენდერო დოკუმენტაციით გათვალისწინებულ ყველა იმ მოთხოვნას, რომელთა შესახებ წერილობითი ინფორმაციის წარმოდგენა ან/და სისტემაში ატვირთვა არ არის სავალდებულო.

ინფორმაცია ხელმოწერილი და ბეჭედდასმული უნდა იყოს უფლებამოსილი პირის მიერ

ინფორმაცია პერსონალის (რეცენზენტები) შესახებ

რეცენზენტის სახელი, გვარი	სპეციალობა	სახელმწიფო სერტიფიკატის სერია, ნომერი	სამეცნიერო ცენზი (შესაბამისი დამადასტურებელი დოკუმენტის მონაცემების მიითითებით)	ინფორმაცია კონკრეტულ სპეციალობაში მუშაობის არანაკლებ 5 წლიანი გამოცდილების შესახებ (წლების, სამუშაო ადგილების, მათ შორის ამჟამინდელი სამუშაო ადგილის და დაკავებული თანამდებობების მიითითებით)

შენიშვნა: ინფორმაცია წარმოდგენილი უნდა იქნას ტექნიკური დოკუმენტაციის 1.1.7. ქვეპუნქტის მოთხოვნათა გათვალისწინებით.

სახელმწიფო შესყიდვების შესახებ ხელშეკრულების პროექტი ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

„—“ „—“ 2013 წელი

ერთის მხრივ სსიპ „სამედიცინო საქმიანობის სახელმწიფო რეგულირების სააგენტო“ (შემდგომში „შემსყიდველი“) წარმოდგენილი სააგენტოს უფროსის გია თვალავაძის სახით და მეორეს მხრივ, — (შემდგომში „მიმწოდებელი“) წარმოდგენილი მისი დირექტორის — სახით, „სახელმწიფო შესყიდვების შესახებ“ საქართველოს კანონის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის (SPA000000000) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული..
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

- 2.1 სსიპ „სამედიცინო საქმიანობის სახელმწიფო რეგულირების სააგენტოს“ 2013 წლის საბიუჯეტო ასიგნებების ფარგლებში, სამედიცინო პრაქტიკასთან დაკავშირებული საექსპერტო/სარეცენზიო მომსახურების (თერაპიული პროფილი) შესყიდვა (CPV85121000).
- 2.2. მომსახურების გაწევა იწარმოებს მიმწოდებლის მიერ წარმოდგენილ დოკუმენტში — (დანართი N—) მითითებული პირობების შესაბამისად, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების ღირებულება შეადგენს არაუმეტეს — ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს.
- 3.3. გასაწევი მომსახურების ერთეულის და საერთო ფასი მოცემულია „ფასების ცხრილში“ (დანართი N1), რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

4.ხელშეკრულების შესრულების კონტროლი

4.1. ხელშეკრულების შესრულების კონტროლს ახორციელებს -----

4.2.შემსყიდველი ორგანიზაცია უფლებამოსილია აწარმოოს გაწეული მომსახურების ხარისხის და მოცულობის ინსპექტირება ხელშეკრულების მოქმედების ნებისმიერ ეტაპზე.

5.შესყიდვის ობიექტის მიღება-ჩაბარების წესი:

5.1 შესყიდვის ობიექტის მიღება-ჩაბარება ფორმდება მიღება-ჩაბარების აქტით.

5.2 მიღება-ჩაბარების აქტი მხარეთა შორის გაფორმდება ეტაპობრივად, მიმწოდებლის მიერ მომსახურების გაწევის დამადასტურებელი სარეცენზიო დასკვნის წარმოდგენის შემდეგ, შემსყიდველის მიერ გამოყოფილი პასუხისმგებელი პირ(ებ)ის მიერ წარმოდგენილი ინსპექტირების დასკვნის საფუძველზე.

6. შესყიდვის ობიექტის მიწოდების ვადა, ადგილი და პირობები

6.1.**მოცულობა:** ხელშეკრულების გაფორმებიდან 2013 წლის 31 დეკემბრის ჩათვლით, საჭიროებისამებრ, შემსყიდველის ყველა მოთხოვნა.

6.2.**ვადები:** მომსახურების გაწევა განხორციელდება საჭიროებისამებრ, ხელშეკრულების გაფორმებიდან 2013 წლის 31 დეკემბრის ჩათვლით, შემსყიდველის მოთხოვნის შესაბამისად, მოთხოვნიდან 10 დღის ვადაში (იმ შემთხვევაში, თუ მომსახურების გაწევის ბოლო ვადა ემთხვევა არასამუშაო/უქმე დღეებს, ასეთ ვადად ჩაითვლება პირველი უახლოესი სამუშაო დღე)

6.3. მომსახურების გაწევა განხორციელდება მიმწოდებლის მისამართზე: _____

6.4.ხელშეკრულების დამდებ არცერთ მხარეს არა აქვს უფლება შეიტანოს შესყიდვის ობიექტის მოწოდების პირობებში ცვლილებები ურთიერთშეთანხმების გარეშე.

7.ანგარიშსწორების ფორმა, ვადები და პირობები

ფაქტიურად გაწეული მომსახურების ღირებულების ანაზღაურება მოხდება უნაღდო ანგარიშსწორებით, მაგრამ, არაუმეტეს ხელშეკრულების ღირებულების ოდენობით, მომსახურების გაწევის ეტაპების შესაბამისად, მხარეებს შორის მიღება-ჩაბარების აქტის გაფორმებიდან არაუგვიანეს 20 (ოცი) კალენდარული დღის განმავლობაში;

8. პირგასამტეხლო ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულების შეუსრულებლობის ან/და შესრულების ვადის გადაცილების შემთხვევაში, მიმწოდებელს შესაძლებელია დაეკისროს პირგასამტეხლო, ყოველ ვადაგადაცილებულ დღეზე სახელშეკრულებო ღირებულების 1%-ის ოდენობით.

8.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, მხარეს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9. მხარეთა უფლება-მოვალეობანი

9.1.მიმწოდებელი“ ვალდებულია:

9.1.1. წინამდებარე ხელშეკრულების შესაბამისად განახორციელოს „შემსყიდველის“ ხარისხიანი და გარანტირებული მომსახურება;

9.1.2. იმ შემთხვევაში, თუ ერთი სამედიცინო შემთხვევის ფარგლებში, წინამდებარე ტენდერით გათვალისწინებულ ძირითად პროფილთან ერთად, საჭიროა სარეცენზიო დასკვნის მომზადება სხვა პროფილით, მიმწოდებელი ვალდებულია, რეცენზირებისთვის მიმართოს შესაბამისი პროფილის მომსახურების შესყიდვის მიზნით ჩატარებული პროცედურის შედეგად „შემსყიდველის“ მიერ შერჩეულ ორგანიზაციას, რის შესახებაც, დეტალურ ინფორმაციას „მიმწოდებელს“ აწვდის „შემსყიდველი“;

9.1.3. მიმწოდებელი ვალდებულია, საჭიროების შემთხვევაში, გაუწიოს წინამდებარე ტენდერით გათვალისწინებული მომსახურება სხვა სახის სამედიცინო პროფილში ანალოგიური მომსახურების

შესყიდვის მიზნით ჩატარებული პროცედურის შედეგად, „შემსყიდველის“ მიერ შერჩეულ ორგანიზაციას, მხარეთა შორის ურთიერთშეთანხმებული პირობებით.

9.1.4. მიმწოდებელმა უნდა უზრუნველყოს მომსახურების გაწევასთან დაკავშირებული მასალების წადება და უკან დაბრუნება დადგენილი წესით, საკუთარი ძალებით და საშუალებებით;

9.1.5. მომსახურების გაწევისას მიმწოდებელმა უნდა უზრუნველყოს ინტერესთა კონფლიქტის აცილება;

9.1.6. განახორციელოს მომსახურების გაწევა ხელშეკრულების დანართი N3-ით განსაზღვრული რეცენზენტების მეშვეობით;

9.1.7. რეცენზენტების შეცვლის, ან დამატების აუცილებლობის შემთხვევაში, წინასწარ წერილობით წარუდგინოს შემსყიდველს ინფორმაცია აღნიშნულის შესახებ. ასეთ შემთხვევაში, ახალი რეცენზენტის კვალიფიკაცია და სამუშაო გამოცდილება უნდა აკმაყოფილებდეს სატენდერო დოკუმენტაციით განსაზღვრულ მოთხოვნებს.

9.1.8. მომსახურების გაწევისას, განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

9.2. „შემსყიდველი“ ვალდებულია:

9.2.1. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია მომსახურების გაწევასთან და ხელშეკრულების შესრულებასთან, ასევე, უზრუნველყოს მიმწოდებლის მიერ გაწეული მომსახურების ღირებულების ანაზღაურება ხელშეკრულების პირობების შესაბამისად.

9.3. „მიმწოდებელს“ უფლება აქვს:

9.3.1. მოითხოვოს დროული და სრული დაფინანსება ხელშეკრულების პირობების მიხედვით.

9.3.2. ხელშეკრულების მოქმედების ნებისმიერ ეტაპზე, შემსყიდველთან შეთანხმებით, მომსახურების გაწევა უზრუნველყოს ქვეკონტრაქტორის გამოყენებით, შემდეგი პირობების დაცვით:

ა) ქვეკონტრაქტორის არსებობის შემთხვევაში, მომსახურების გაწევამდე, მიმწოდებელმა უნდა უზრუნველყოს ქვეკონტრაქტორთან შესაბამისი ხელშეკრულების გაფორმება და აღნიშნული დოკუმენტის ასლის წარმოდგენა შემსყიდველ ორგანიზაციაში;

ბ) ქვეკონტრაქტორს უნდა გააჩნდეს მის მიერ გასაწევი მომსახურების შესაბამისი კვალიფიკაციისა და რაოდენობის პერსონალი;

9.4. „შემსყიდველს“ უფლება აქვს:

9.4.1. აწარმოოს გაწეული მომსახურების ხარისხის და მოცულობის კონტროლი ხელშეკრულების მიმდინარეობის ნებისმიერ ეტაპზე.

9.4.2. არ აანაზღაუროს მიმწოდებლის მიერ გაწეული მომსახურების ღირებულება, თუ ეს მომსახურება გაწეულია შემსყიდველის მოთხოვნის გარეშე.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით.

10.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. ხელშეკრულება შეიძლება შეწყდეს მხარეთა ურთიერთშეთანხმებით, ასევე, საქართველოს კანონმდებლობითა და წინამდებარე ხელშეკრულებით გათვალისწინებულ შემთხვევებში.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1. ხელშეკრულება დადებულია და განიმარტება საქართველოს კანონმდებლობის შესაბამისად.

12.2. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2013 წლის 31 დეკემბრის ჩათვლით.

14. სხვა პირობები

14.1. ხელშეკრულება შედგენილია ქართულ ენაზე, 2 ეგზემპლარად (--- გვერდზე) და თითოეულ მათგანს თანაბარი იურიდიული ძალა აქვს.

14.2. ხელშეკრულების ერთი ეგზემპლარი ინახება მიმწოდებელთან, ერთი – შემსყიდველთან.

შემსყიდველი

მიმწოდებელი
